

• Altro ze ch' el Mazor Conseggio ghe lo demandi ; altro ze ch' el
 • lo abbia naturalmente. Cosa vol dir peculiar ? Una facultà privata
 • de quei corpi, che la possede *ex se*. Falso donca, ch' el Senato
 • l' abbia, se in tutti i so diritti el ze delegà dal Mazor Conseggio.
 • El ministero ze peculiar del Senato ; ma se ghe ze mille leggi del
 • Mazor Conseggio per le tariffe, per la istituzion, per la elezion,
 • per la disciplina, per la durazion; del 1774, la materia ministerial
 • fu pur concessa ai correttori, perchè i porti al Mazor Conseggio.
 • Donca no la ze peculiar del Senato, se el Mazor Conseggio ghe
 • ne ha fatto in ogni tempo delle leggi. Se el lusso fosse peculiar
 • del Senato, el Mazor Conseggio no ghe ne averave fatto anche
 • su quello delle leggi ; eppur fra le altre gavemo la 1709 impe-
 • diente a tutti l' uso delle livree, fuorchè al serenissimo principe,
 • al qual come capo della Repubblica la le permette, benchè in an-
 • cuo tutti le abbia. I 60 comandadori ze istituidi dal Mazor Con-
 • seggio, benchè spetti al dose la elezion, la regola dei sie più vec-
 • chi ze del Mazor Conseggio. El total de sto punto ze nella legge
 • 1774, 31 agosto. Per giustificar el peculiar del senato in sta parte
 • ghe vorrave una legge posterior, che distruggendo le antecedenti
 • facesse sto effetto. Me se mostri la legge, e ritiro la proposizion.
 • Sull' articolo anche dei viveri ghe ze delle leggi del Mazor Con-
 • seggio. Se fosse l' argomento ministerial peculiar del senato, sa-
 • ria donca de sto peculiar distruttiva la legge 1774. Ze stà, ze
 • vero, al mandato de correzion opposto da sta renga, ma la oppo-
 • sizion ze stada nella contesa dai otto ai 16 mesi, non su questo, ed
 • otto po non ha bastà, e non se ha fatto gnente. Ho parlà della
 • proposizion nella parte, che interessa mi ; parlerò mal nell' altra,
 • ma la interessa vostre eccellenze. Presa sta proposizion dove v' a
 • l' eccitamento, se una massima parte de sto eccitamento ze sot-
 • tratta da sta proposizion ? Se no ze sufficienti le ordinarie auto-
 • rità, el non accrescerle ze un voler continuar nei mali, l' immer-
 • gerse anzi in maggiori. Esempio novo in quattordese secoli; dopo
 • tre deliberazion uniformi, per aver una proposizion corrispondente